

Aningaasanik ikisilluni pinnguaatinut akileraarut pillugu Inatsisartut inatsisaat

§ 1. Aningaasanik ikisilluni pinnguaatit, una inatsit naapertorlugu akuersissuteqaqqaarluni ikkunneqarsinnaasut, tamarmik landskassemut akileraarutaasassapput.

Imm. 2. Inatsisartut inatsisaat atuutinngilaq sumiiffinnut, Kalaallit Nunaata illersorneqarnissaa pillugu isumaqatigiissut 27. april 1971-imeersoq naapertorlugu sakkutooqarfiusunut. Sumiiffinnut allanut, kommunit aggornerisa avataanniittunut pisussaaffiit, inatsit una naapertorlugu kommunalbestyrelsenut pisussaaffigitinneqartut, naalakkersuisunit isumagineqassapput.

§ 2. Aningaasanik ikisilluni pinnguaat, kikkunnit tamanit, peqatigiiffiit ilaasortaannit assigisaannilluunniit atorineqarsinnaasooq, kommunalbestyrelsemit akuerineqarsimassaaq.

Imm. 2. Ikkussinissamut akuerineqarnissamik qinnuteqaat piginnittumit imaluunniit, aningaasanik ikisilluni pinnguaat attartugaasimappat, attartortumit kommunemi ikkussiffiginiakkami kommunalbestyrelsemit tunniunneqassaaq.

Imm. 3. Selskabimit, peqatigiiffimmit il.il. qinnuteqaat selskabimi piginneqataasumit ataatsimit imaluunniit peqatigiiffimmi siulersuisuni ilaasortamit ataatsimit tunniunneqassaaq. Akuersissut qinnuteqartumut namminermt tunniunneqassaaq.

§ 3. Aningaasanik ikisilluni pinnguaammik ikkussinissamut akuersissummik tunisinissaaq pillugu kommunalbestyrelse allangortinneqarsinnaanngitsumik siumut oqaaseqaateqassaaq. Siumut oqaaseqaammi qinnuteqartoq akuersissuteqarnissamik neriorsorneqarpat, akuersissut atuutilissaaq aningaasanik ikisilluni pinnguaatip ikkunneqarneraniit.

Imm. 2. Aningaasanik ikisilluni pinnguaat kommunalbestyrelsep akuersilluni nalunaaruteqarneraniit qaammatit 6 qaangiutsinnagit ikkunneqarsimassaaq. Taamaattoqanngippat akuersissut atorunaarsinneqassaaq.

§ 4. Kommunalbestyrelse akuersissutinik tunniussaqaartassaaq kommuneqarfimmi inuiaqatigiinnut sunniutaasinnaasut tamaasa nalilereerlugit.

Imm. 2. Akuersissut inummut tunniunneqartassaaq ukiut 2 atuuttussatut, aalajangersimasumilu inissiinissamut.

Imm. 3. Akuersissummik tunisinermi kommunalbestyrelsep aalajangersarsinnaavai piffissat, aningaasanik pinnguaatip atorineqarsinnaaffii.

Imm. 4. Akuersissut aningaasanik ikisilluni pinnguaammi takuneqarsinnaanngorlugu ivertinneqassaaq.

§ 5. Inatsit alla tunngavigalugu oqartussaasut allat akuersissutaat kommunalbestyrelsemut saqqummiunneqassaaq, taanna akuersissummik tunniussaqaartinagu.

Imm. 2. Kommunalbestyrelsi akuersissummik tunniussiumanngissinnaavoq, qinnuteqartoq § 6 naapertorlugu siusinnerusukkut akuersissummik arsaagaasimappat.

Imm. 3. Aningaasanik ikisilluni pinnguaammik ikkussinissamut akuersissuteqartoqarsinnaanngilaq, qinnuteqartoq aningaasanik ikisilluni pinnguaammut akileraarummik akiligassaqarpat.

§ 6. Pinnguaatip piffissanik atorneqarfigisinnaasaanik kommunalbestyrelsep aalajangersaanera unioqqutinneqarsimappat imaluunniit akuersissut aningaasanik ikisilluni pinnguaammi takuneqarsinnaasumut ivertinneqarsimanngippat, kommunalbestyrelsep siumut mianersoqqussuteqareerluni akuersissut arsaarinnissutigisinnaavaa.

Imm. 2. § 7 imaluunniit § 8 unioqqutinneqarpata imaluunniit allatigut atornerluisoqarpat, kommunalbestyrelsep mianersoqqussuteqaqqaarani akuersissut arsaarinnissutigisinnaavaa.

§ 7. Aningaasanik ikisilluni pinnguaatip akuersissutigineqarsimasup piginnittua attartorneqarneraluunniit allanngorpata, pinnguaallu inissiivimmi akuersissuteqarfimmiitiinnarneqarluni, kommunalbestyrelse tamatumanga nalunaarfigineqassaaq. Kommunalbestyrelsep tamatuma kingorna qinnuteqartoqanngikkaluartoq piginnittortaamut attartortumulluunniit nutaamut akuersissummik tunniussaqaassaaq, akuersissutip pigineqareersup naanissaata tungaanut atuuttussamik.

Imm. 2. § 5-imi aalajangersakkat taamatuttaaq atuupput.

§ 8. Aningaasanik ikisilluni pinnguaat akuersissutigineqarsimasoq allamut nuunniarneqarpat, kommunalbestyrelsemut nutaamik qinnuteqartoqassaaq.

Imm. 2. § 4-mi aamma § 5-imi aalajangersakkat taamatuttaaq atuupput.

§ 9. Inatsit una naapertorlugu kommunalbestyrelsep aalajangiineri sap. akunneri 4 qaangiutsinnagit naalakkersuisunut ingerlateqqinneqarsinnaapput.

§ 10. Akileraarut ukiumut 12.000 koruuniuvoq.

Imm. 2. Akileraarut kvartal-imut siumut 3.000 koruuninik akileneqartassaaq, akiliiffigineqartassallutik 1 december, 1. marts, 1. juni aamma 1. september, akiliiffissarlu kingulleq tassaaq qaammatip akiliiffissap ulluisa 10-at.

Imm. 3. Akileraarut piffissaagallartillugu akileneqanngippat akiliinngitsoornermi akiuliut 400 koruuniuvoq.

Imm. 4. Inuk, kommunalbestyrelsep akuersissutaani nalunaarsorneqarsimasoq, akiligassap akileneqarfissaa nallerpat akileraarutip akilernissaanut akisussaavoq. Aningaasanik ikisilluni pinnguaammik piginnittup attartortulluunniit, kommunalbestyrelsemit akuersissummik tunineqarsimasoq akileraarutip akileneqarnissaanut akisussaaqatigaa.

§ 11. Akileraartussaaneq atuutilissaaq qaammatip, kommunalbestyrelsep akuersissuteqarfigisaata aallaqqaataaniit.

Imm. 2. Aningaasanik ikisilluni pinnguaat § 2-mik unioqqutitsilluni akuersissummik tunineqarsimanngitsoq ikkunneqarsimappat, piginnittoq piffissami akuersissuteqanngitsumik ikkussisimaffiimmini akileraarummut akiliisinneqassaaq.

§ 12. Aningaasanik ikisilluni pinnguaat atorunnaartutut kommunalbestyrelsemut nalunaarutigineqarpat, akuersissut toqqorneqarallarpas, imaluunniit akuersissut arsaarinnissutigineqarpat, c.kileraarummut akiliutaavallaarsimasooq utertinneqassaaq, qaammammi atorunnaartutut nalunaarutiginerata, toqqorneqarallarnerata arsaarinnissutigineqarnerataluunniit tulliani qaammatip aallaqqaataaniit.

§ 13. § 10 naapertorlugu akileraarut aalajangersarneqarsimasooq qaammatip akiliiffissap naannginnerani akileneqarsimanngippat, akuersissut atorunnaarsinneqassaaq.

§ 14. Inatsisip matuma atuutsinneqarnissaanut naalakkersuisut malittarisassiorsinnaapput.

Imm. 2. Naalakkersuisut Akileraartarnermi Pisortaqarfik piginnaatissinnaavaat inatsisip matuma atuutsinneqarnissaanut allaffitsigut ingerlariaassat aalajangersarnissaannut.

§ 15. Inuk, pisortanut akileraanngitsoorumalluni, inatsimmik unioqqutitsilluni aningaasanik ikisilluni pinnguaammik ikkussisooq, imaluunniit aningaasanik ikisilluni pinnguaatip akuersissutaa utertinneqareersooq, arsaarinnissutigineqareersooq inalunniit atorunnaareersooq pinnguaammik atortitsiinnartoq, akiliisinneqassaaq.

Imm. 2. Inatsisip matuna kingunerisaanik maleruagassianik unioqqutitsisoqarpat, akiliitsinermik pineqaatissiinissamut aalajangersaasoqarsinnaavoq.

Imm. 3. Selskabit, peqatigiiffiit assigisaalluunniit unioqqutitsippata, selskabi peqatigiiffilluunniit tamarmiisooq imm. 1-imi aamma imm. 2-mi aalajangersakkat malillugu akisussaatinneqarsinnaavoq.

Imm. 4. Kommune imaluunniit kommunep ingerlataa unioqqutitsippat, kommune intc.luunniit kommunep ingerlataa imm. 1-imi aamma imm. 2-mi aalajangersakkat malillugit akisussaatinneqarsinnaavoq.

§ 16. Naalakkersuisut imaluunniit naalakkersuisut tamatumunnga piginnaatitaata, § 15, imm. 1 aamma imm. 2-mik unioqqutitsisooq neqeroorfigisinnaavaat suliassaq eqqartuussinertaqanngitsumik ingerlanneqarsinnaasooq, unioqqutitsisup unioqqutitsinini nassuerutigippagu aammalu piffissaq aalajangersimasooq, qinnuteqarnikkut sivitsorneqarsinnaasooq, qaangiutsinnagu akiligassiissutigineqartoq akilerumappagu.

Imm. 2. Imm. 1-imi neq?rooruteqarnissamut atatillugu Kalaallit Nunaanni eqqartuussisarnermik inatsimmik nalunaarummi kapitali 5-imi aalajangersakkat taamatuttaaq atuupput.

Imm. 3. Akiligassiissutigineqartoq piffissaagallartillugu akileneqarpat, qanoq iliuuseqartoqaqqissanngilaq.

§ 17. Inatsisartut inatsisaat ingerlaannaq atuutilerpoq.

Imm. 2. Aningaasanik ikisilluni pinnguaat, inatsisip atuutilernerani ikkussorneqareersimasooq, kommunalbestyrelsemit akuersissutigineqartussatut qinnutigineqassaaq 1. september 1990 nallertinnagu.

Imm. 3. Kvartal-imut akileraarut siulleg akiligassan ngussaaq 1. december 1990-imi, akiliiffissatut killissa ritinneqarluni 10. december 1990.

Namminersornerullutik Oqartussat, 17. maj 1990

Moses Olsen

/

Emil Abelsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut